

## **Pjenjeze za Serbski sejm? Rada załožby bužo wobradowaś**

### *Towaristwo „Smy“ jo stajiło pšosbu pla serbskeje załožby wó pjenjeze za organizěrowanje wuzwólowanja do Serbskego sejma*

**Budyšin/Bautzen.** Towaristwo Smy, ako jo zwězane z Inicjatiwu za Serbski sejm a se pilnujo wó nastaše demokratiski wuzwólonogo serbskego parlamenta, jo pla Załožby za serbski lud oficielnje předk położyło pšosbu wó pódpěru za organizěrowanje wuzwólowanja do Serbskego sejma. Co bužo se něnto z teju pšosbu staś? Dajo realistiku šansu, až załožba pjenjeze zwólijo? Direktor załožby Jan Budar jo nam gronił, až towaristwo Smy pšosy we swójom póžedanju wó wěcej ako 25.000 euro, a to jo ta granica, wušej kótarejež musy rada Załožby za serbski lud wobradowaś a pjerwej swójo „jo“ groniś, dej-li załožba za tu wěc pjenjeze daś. To bužo nastupnoś na pśiducem wobradowanju załožbowej rady. Budar jo nam teke gronił, až załožba njama doněta we swóich směrnicach (regulach za wudawanje pjenjěz) žednu rubriku za politiske žěło wustawjonu. Lěc bužo trjeba taku rubriku wustawiś, to jo pšašanje, na kótarež bužo załožbowa rada teke wótegrono namakaś.

Wjednistwo Domowiny ideju Serbskego sejma wótpokazujo, a teke w załožbowej raže sejže zastupniki Domowiny. Budar měni pak, až weto njejo zewšym předku wen wusužone, kak ta wěc wujžo. „My bužomy krađu diskutěrowaś,

kaki politiski wucynk ta pšosba změjo. Wóna ma politisku wažnosť a ja wěrim, až bužomy se wšykne z pśislušneju zagronitoścu (Verantwortlichkeit) z njeju zaběraś“.

K załožbowej raže słuša 15 čłonkow. Mjazy nimi su šesćo zastupniki serbskego luda – 1. něgajšny jadnať Domowiny Bjarnat Cyž, 2. Julian Nyča (student z Berlinja), 3. Bogna Korjeńkowa (wjednica studija MDR w Budyšinje), 4. Susann Šenkec (pśedsedarka rady; generalna sekretarka FUEN), 5. Karin Tšukowa (regionalna powědarka Domowiny w Dolnej Łužycy) a 6. Babett Zenkerowa (wjednica dešańskego muzeja). Wušej togo su w załožbowej raže zastupjone pjenjezdawarje: dwa zastupnika Sakskeje, dwa zastupnika Bramborskeje (zagronita za nastupnośi Serbow pśi bramorskem kněžarstwje statna sekretarka dr. Ulrike Gutheilowa a statna sekretarka we ministerstwje za finance Daniela Trochowski) a dwa zastupnika Nimskego zwězka.

Naslědku stej tam hyšći dwa zastupnika saskich wokrejsow, městow a komunow a jaden taki z Bramborskeje (Berndt Weiße, decernent za młóžinu, kulturu a socialne nastupnośi w Chóšebuzu).

G. W.